

Жанубий Қозоғистон

1991 йил 5 апрелдан чиқа бошлаган
Сешанба, пайшанба ва шанба кунлари чиқади

2025 йил 15 март, шанба, №29 (3530).



МИЛЛИЙ ҚУРУЛТОЙ: ДАШТ ДЕМОКРАТИЯСИНИНГ ЯНГИ ДАВРИ

ДАВЛАТ РАҲБАРИ ҚАСИМ-ЖҲУМАРТ ТЎҚАЕВ
БУРАБАЙ ШАҲРИДА ЎТГАН МИЛЛИЙ
ҚУРУЛТОЙНИНГ IV ЙИГИЛИШИДА ИШТИРОК ЭТДИ

Тадбирда Давлат раҳбари маъруза қилиб, Миллий қурултой фаолияти бошлагандан буён мамлакатдаги бир-қанча ижтимоий-иқтисодий муаммоларнинг ҳал қилингани, йил сайин мавзу доираси кенгайиб, қайд этилган камчиликлар қонун доирасида бартараф этилаётгани, жамият тафаккурининг ижобий жиҳатдан юксалаётганини таъкидлади. Қурултой аъзолари жамият ҳаётининг долзарб масалалари юзасидан ўз таклифларини билдирдилар.

Тадбир ҳақида батафсил газетанинг келгуси сонида ўқийсиз.

ҚОЗОҒИСТОН – ЎЗБЕКИСТОН МУНОСАБАТЛАРИ ЯНГИ БОСҚИЧДА

ҚР ПАРЛАМЕНТ СЕНАТИ
ҚОЗОҒИСТОН ВА
ЎЗБЕКИСТОН ЎРТАСИДАГИ
САВДО АЛОҚАЛАРИНИ
МУСТАҲҚАМЛОВЧИ
ҲУЖЖАТНИ МАЪҚУЛЛАДИ



ҚР Парламенти Сенатининг умумий мажлисида “Қозоғистон Хукумати ва Ўзбекистон Хукумати ўртасида “Марказий Осиё” халқаро саноат кооперацияси маркази фаолиятини сошлаш тўғрисидаги битимни ратификация қилиш ҳақида”ги Қонун маъқулланди.

Қонуннинг асосий мақсади икки томонлама ўзаро ҳамкорликни янада ривожлантириш. Ўзбекистон Қозоғистоннинг Марказий Осиёдаги асосий савдо ҳамкорларидан биридир. Икки давлат ўртасидаги муносабатлар ўзаро ҳурмат ва қўллаб-қувватлашга асосланган бўлиб, турли йўналишларда жадал ривожланмоқда.

– Мазкур шартноманинг имзоланиши Қозоғистон ва Ўзбекистон Республикалари ўртасидаги икки томонлама ҳамкорлик буйича Хукуматлараро комиссиянинг 20-йиғилиши қарорини амалга ошириш йўлидаги муҳим қадамлардан биридир. “Марказий Осиё” халқаро саноат кооперацияси маркази минтақадаги энг йирик юк оқимларини бирлаштириш, қайта ишлаш ва тақсимлаш маркази, шунингдек, “Шимол – Жануб” транспорт йўлига доирасида саноат кооперациясини ривожлантириш маркази бўлиб хизмат қилади, – деди сенатор Алишер Сотволдиев.



Бу марказ Қозоғистоннинг “Атамекен” ва Ўзбекистон томонидagi “Гулистон” назорат-ўтказиш бекатларига яқин жойлашган. У ишлаб чиқариш майдончалари, омборлар ва транспорт инфратузилмасидан иборат бўлади. Бундай қарор юк ташишни тезлаштириш, логистика харажатларини камайтириш, етказиб бериш занжири иштирокчилари сонини камайтириш, якуний миқоз учун маҳсулот таннархини пасайтириш ва етказиб бериш самарадорлигини ошириш имконини беради. Шартномага мувофиқ, марказнинг умумий майдони 100 гектарни ташкил этади. Бу ҳудудга минтақавий саноат ҳудуди мақоми берилади.

– Туркистон вилояти томонидан ўтказилган очиқ танловни “Trans Continental Logistic Gr” компанияси бевосита сармоядор сифатида ютиб олди. У марказнинг ички ва ташқи инфратузилмасига сарма юк киритади. Дастлабки ҳисоб-китобларга кўра, зарур сармоялар тахминан 27 миллиард тенгени ташкил этади. Сармоя шартномалари имзолангач, молиялаштиришнинг аниқ шартлари ва миқдорига аниқлик киритилади. Марказнинг расмий очилиш маросими 2027 йилнинг биринчи ярмида ўтади. У янги ишлаб чиқариш ва иш ўринларини ташкил этиш, қишлоқ хўжалиги ва саноат маҳсулотларини қайта ишлаш, шунингдек, фармацевтика, электротехника, кимё, терини қайта ишлаш, тўқимачилик ва тикувчилик каби соҳаларда ишлаб чиқаришни ривожлантиришга кўмаклашади. Бу, ўз навбатида, яқин беш йилда товар айланмасини 10 миллиард АҚШ долларига етказишга хизмат қилади, – деди депутат.

Битимнинг ратификация қилиниши чегарага яқин давлатлар билан икки томонлама савдо-иқтисодий алоқаларни муостаҳкамлаш, “Марказий Осиё” халқаро саноат кооперацияси марказини ташкил этиш орқали ишлаб чиқарувчилар ва тадбиркорлар ўртасидаги ишбилармонлик алоқаларини жонлантириш имконини беради.

24.kz. маълумотлари асосида.

»» Президент

ХАЛҚАРО ҲАМКОРЛИК ДОИРАСИ КЕНГАЙМОҚДА



ПРЕЗИДЕНТ ХАЛҚАРО ҲАМКОРЛИК
БҮЙИЧА ЕВРОПА КОМИССАРИ
ЙОЗЕФ СИКЕЛАНИ ҚАБУЛ ҚИЛДИ

Қасим-Жўмарт Тўқаев Европа Иттифоқининг олий мартабали вакилига эътибор қаратар экан, мамлакат муҳим ташқи иқтисодий ва сармоявий ҳамкор сифатида ташкилот билан ҳар томонлама стратегик шерикликка устувор аҳамият қаратишини таъкидлади.

– Қозоғистон Европа Иттифоқининг Марказий Осиёдаги асосий ҳамкори бўлиб қолмоқда. Ҳамкорлик доирасини кенгайтириш тўғрисидаги битим мустаҳкам пойдевор сифатида хизмат қилмоқда, – деди Давлат раҳбари.

Йозеф Сикела Президентга учрашув учун миннатдорчилик билдириб, Европа Иттифоқи минтақага алоҳида эътибор қаратаётганини таъкидлади.

– Марказий Осиё Европа Иттифоқининг муҳим ҳамкори бўлиб, бу келажақ учун улкан салоҳиятларни рўёбга чиқаради, – деди комиссар Йозеф Сикела. – Ҳозирги дунёвий муаммолар мустаҳкам шериклик зарурлигини ҳар қачонгидан ҳам кўпроқ намоён этмоқда ва мен ўз хизматим давомида асосий эътиборни Европа Иттифоқи ва Марказий Осиёдаги ҳамкорлар сифатли иш ўринларини яратиш, бизнес учун янги имкониятлар очиб ва таълимдан тортиб замонавий инфратузилмагача бўлган асо-

сий хизматларни яхшилаш учун биргаликда илгари сураётган Global Gatewayнинг асосий лойиҳаларига қаратаман.

Қ. Тўқаев ва Й. Сикела асосий эътиборни транспорт даҳлизлари, логистика инфратузилмасини, барқарор энергия ва рақамли лойиҳаларни ривожлантириш борасида жорий ва янги иқтисодий дастурларга қаратди ва икки томонлама кун тартибининг аниқ масалаларини муҳокама қилди.

Шу билан бирга, минтақавий ва дунёвий муаммолар юзасидан фикр алмашиб, халқаро майдонда, жумладан, “Марказий Осиё – Европа Иттифоқи” ҳамкорлиги доирасида алоқани янада ривожлантиришга тайёр эканликларини тасдиқладилар.

Европа комиссари ташрифининг мақсадларидан бири иш ўринларини кўпайтириш ва барқарор иқтисодий тараққиётга қаратилган Европа Иттифоқининг Global Gateway сармоявий стратегияси қамровини кенгайтиришдан иборат.

Global Gateway — Европа Иттифоқининг дунёвий сармоявий тенгсизликни қисқартириш ва рақамли, энергетика ва транспорт соҳаларида заковат ҳамда хавфсиз алоқаларни рағбатлантириш, шунингдек, соғлиқни сақлаш, таълим, тадқиқот тизимларини муостаҳкамлаш стратегиясидир.

Akorda.kz.
маълумотлари
асосида.

Наврўз-кўжадан сузинг, она! Наврўз

БАЙРАМДА 2,5 ТОННА НАВРЎЗ-КЎЖА ТАЙЁРЛАНАДИ

Бу йилги сайёҳлик мавсуми “Туркистон – Туркий оламнинг сайёҳлик пойтахти” шиори остида ўтказилади. Мазкур тадбир вилоятнинг сайёҳлик салоҳиятини ошириш, инфратузилмани яхшилаш, меҳмонларга юксак савияда хизмат кўрсатиш мақсадида ташкил этилмоқда.

Байрам тадбирида “Jana Ier” ижодий жамоаси, “Samgʻay” рақс дастаси DJ Shamil ва бошқа санъаткорлар иштирок этади. Шунингдек, мушакбозлик, миллий чолғу дастаси ва фокусчилар чиқишлари, шеърят кечалари ўтказилади. 2,5 тонна Наврўз-кўжа тайёрланади.



ниб, Қозоғистоннинг рекордлар китоби – “КИНЭС” янгиланади. Бундан ташқари, Марказий Осиё давлатларининг сайёҳлик бизнеси вакиллари ва хунармандлари иштирокида республика сайёҳлик анжумани ташкил этилади.

– Бу йил Туркистон шаҳрига алоҳида мақом бериш тўғрисида Қонун қабул қилинди. Ушбу ҳужжат шаҳарнинг халқаро сайёҳлик марказига айланиши учун катта имконият яратади. Режага кўра, вилоятга келаётган сайёҳлар сонини ошириб, Туркистоннинг маданият-маънавий меросини кенг тарғиб қиламиз, – дейди вилоят сайёҳлик бошқармаси раҳбари Нурдаулет Медеуов.

24.kz. маълумотлари
асосида.

»» Наврўзна – 2025

Наврўз – баҳор ва уйғониш, яшариш, янгиланиш, меҳнат ва бунёдкорлик фаслидир. Наврўз – асрлар давомида халқимизнинг онги ва тафаккурига, руҳияти ҳамда бутун ҳаётига беқиёс таъсир ўтказиб келаётган бетакрор, ўзига хос бир оламдир. Наврўз – ўзаро меҳр-оқибат, қадр-қиммат, хайру саховат рамзидир.



15 март – Хайрия куни сифатида нишонланади. Шу куни шаҳар, туман ва қишлоқларда кам таъминланган оилалар, имконияти чекланган фуқароларга ёрдам кўрсатиш мақсадида хайрия тадбирлари ўтказилади.

16 март – Чанғароқ куни барча мактаб ва мактабдан ташқари таълим муассасаларида кам таъминланган оилалар фарзандлари ва имконияти чекланган болаларга кўмаклашиш мақсадида концерт дастурлари, бадий хунармандчилик кўргазмалари, тадбирлар ташкил этилади.



17 март – Миллий анъаналар куни барча маданият муассасаларида миллий анъаналарни акс эттирувчи саҳна кўринишлари намойиш этилади.

Вилоят ҳокимининг
матбуот хизмати.

ЯНГИЛАНИШ ВА ЭЗГУЛИК ТИМСОЛИ

